

LOYIHA MAVZUSI:

O'zbek tilida qo'llaniladigan tibbiy lingvistik birliklarga doir Web-sayt va multimedia mahsulotlari to'plamini yaratish

LOYIHANING DOLZARBLIGI

- o'zbek tilining davlat tili sifatidagi nufuzi va mavqeini tubdan oshirish maqsadida tibbiyot xodimlari uchun tibbiy lingvistik birliklarga doir Web-sayt va multimedia mahsulotlari to'plamini yaratish;
- elektron lug'atlar va darslik hamda ularning mobil ilovalarni yaratish o'zbek leksikografiyasi, terminologiyasi, shuningdek, kompyuter lingvistikasi rivoji uchun bazaviy ta'minot tayyorlash;
- Web-sayt.da beriladigan tibbiy atamalar lug'ati nafaqat izohli, balki tasviriy(atama badiiy tasvirlanadi) izohli lug'at ko'rinishida bo'lishini ta'minlash.

LOYIHANING MAQSADI QUYIDAGILARDAN IBORAT:

- O'zbekiston tarixida ilk bor o'zbek tilida qo'llaniladigan tibbiy birliklarning lingvistikasiga va uni madaniylashtirishga bag'ishlangan amaliy qiymatga ega tibbiy lingvistik birliklarga doir Web-sayt va multimedia mahsulotlari yaratiladi;
 - o'zbek tilida qo'llaniladigan tibbiy atamalarga oid elektron lug'at yaratiladi va unda o'zbek tilining boy imkoniyatlarga egaligini namoyish etish maqsadida atamalarning perifrastik, metaforik, evfemistik ko'rinishlari ham qamrab olinadi.
 - elektron lug'atlar va darslik hamda ularning mobil ilovalarni yaratish o'zbek leksikografiyasi, terminologiyasi, shuningdek, kompyuter lingvistikasi rivoji uchun bazaviy ta'minot tayyorlash;
 - ushbu loyihaning amalga oshishi Lingvistika (o'zbek tili) magistratura ta'lim yo'nalishida o'qitiladigan "Nutq madaniyati", "Soha lingvistikasi", "Kompyuter lingvistikasi", "Psixolingvistika"; tibbiyot sohasi bakalavriat tizimida o'qitiladigan "Tibbiyot deontologiyasi", "Psixoterapiya", "Nutq madaniyati" fanlarining didaktik jihatdan ta'minlanishiga, soha lingvistikasi ko'lami kengayib, fanlararo integratsiyaning yangi taraqqiyot bosqichiga ko'tarilishiga, shuningdek, tayyorlanadigan mahsulot (o'quv qo'llanma, elektron lug'at, elektron darslik, multimediali glossariy va uning mobil ilovasi va b.)ning ichki va tashqi bozorda sotilishiga imkon beradi;
- soha vakillarining (shifokorning bemor bilan muloqoti, shifokorning bemor yaqinlari bilan suhbat, shifokor maslahati kabi) video, audio intervyulari, tibbiy rayeklamalar yig'iladi. Yig'ilmalarning internet

- sahifalari, axborot-telekommunikatsiya tarmog‘i orqali barcha o‘qishi va foydalanishi mumkin bo‘lgan mobil ilovasi yaratiladi.

– O‘zbekiston Respublikasi Sog‘likni saqlash vazirligi bilan hamkorlikda ilmiy-amaliy konferensiya o‘tkaziladi.

LOYIHADA HAL ETILADIGAN ILMIY MUAMMO:

- o‘zbek tilida qo‘llaniladigan tibbiy lingvistik birliklarni madaniylashtirishning ilmiy-nazariy asoslarini tavsiflash;
- o‘zbek tilida qo‘llaniladigan tibbiy lingvistik birliklarning mazmun-mohiyatini o‘rganish, yo‘qolib borayotgan noyob tibbiy atamalarni to‘plash, ularning izohli, tasviriy elektron lug‘atini tayyorlash;
- audio va video mahsulotlar doirasida jonli intervyular olib borish;
- tilshunoslikning tibbiyot bilan faol integratsiyalashuvini ta’minlash maqsadida masofaviy ta’limni amalga oshirish uchun elektron darslik tuzish;
- tibbiy lingvistik birliklarga bag‘ishlangan reklamalarning fotogaleriyasini ishlab chiqish.

LOYIHA YO‘NALISHLARI

- Birinchi yo‘nalish – axborot kommunikatsion texnologiyalar sohasining malakali mutaxassislari bilan hamkorlikda “O‘zbek tilida qo‘llaniladigan tibbiy lingvistik birliklarga doir Web-sayt va multimedia mahsulotlari to‘plamini yaratish” (Web-saytning dasturiy ta’minoti, dizayni ustida ishlash. Mazkur loyiha doirasida elektron lug‘at va darslik yaratish, tibbiy birliklarni qo‘llashda lingvomadaniy va psixolingvistik yondashuv, shifokor va bemor muloqotida tibbiy atamalarning rolini belgilashda foydalaniladigan multimedia mahsulotlari to‘plami hamda lingvodidaktik materiallar, audio va videoroliklarni o‘zida jamlagan elektron Web-sayt yaratiladi)
- Ikkinchi yo‘nalish – loyiha ilmiy tadqiqotlar qismi; bu bo‘yicha shifokorlar va bemorlar nutqida qo‘llaniladigan tibbiy atamalar lug‘ati shakllantiriladi, “Nutq madaniyati”, “Soha lingvistikasi (tibbiyot atamalari asosida)” elektron o‘quv qo‘llanmasi, darsligi, metodik ishlanma va ko‘rsatmalari yaratiladi. Ushbu qismda, asosan, tibbiy lingvistik birliklarga oid ma’lumotlar, modullar, multimedia mahsulotlari joylashtiriladi